



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnium Generalium Et Provincialium Collectio Regia

Ab anno DLIII. ad annum DLXXVII.

Parisiis, 1644

Synodus Landavensis III. Svb Ovdoceo Tertio Landauensi episcopo, ab ostio Guy vsque ad ostium Tiui, Landauiae congregata: Qua Guidnerth fratrem in causa regni interficiens, excommunicatus est.

urn:nbn:de:hbz:466:1-15324

ANNO
CHRISTI
560.

dicium de malefacto suo cum summa satisfactione.

Et plena Synodus, presentia Oudocei episcopi, iudicavit propter orbitatem regni, ne fieret sine protegente clypeo domini naturalis, peregrinationem illius ieiuniis & orationibus & eleemosynis redimere, simul cum homicidio periurium expurgare. Et rex Morcant assensu seniorum Morcannuc posuit manum suam super quatuor euangelia & reliquias sanctorum, tenente illa Oudoceo; & promittit in primis se emendaturum de predicto facinore sicut predictum est, ieiunio & oratione & eleemosyna: & insuper promittit se nunquam tale quid amplius facturum, & se in omnibus regalem iustitiam misericorditer acturum. Iuncta ei poenitentia ad modum facinoris, & ad illius qualitatem, quantitatem, potentiam; & data sibi communionem Christiana, ablata prius sibi ab episcopo Oudoceo, clamavit tres congregationes Catoci, Ilduti, Docunni, liberas ab omni regali seruitio, Deo & sanctis Teliauo, Dubricio, Oudoceo, & omnibus successoribus suis: & ita cum omni sua dignitate & privilegio SS. Dubricii, Teliaui, in perpetua consecratione ecclesie Landaviae, & virem mellis, & lebetem ferream, quae ecclesia S. Ilduti regi debebat reddere, quietam rex Morcant clamavit, &c.

SYNODVS LANDAVENSIS III.

SVB OUDOCEO TERTIO

Landauensi episcopo, ab ostio Guy vsque ad ostium
Tiui, Landaviae congregata:

*Qua Guidnerth fratrem in causa regni interficiens,
excommunicatus est.*

SCITOTE carissimi fratres, quod in tempore Oudocei episcopi diabolica admonitione occidit Guidnerth fratrem suum Merchion causa contentionis regni, & perpetrato homicidio, fraticida excommunicatus est a beato Oudoceo, & a Synodo congregata ab ostio Guy vsque ad ostium Tiui Landaviae, & ita remansit depositis crucibus ad terram simul, & cymbalis versis tribus annis sub eadem excommunicatione, & ex toto, sine aliqua Christia-

norum cōmunionem. Finitis tribus annis requisivit veniam apud beatum Oudoceum; & data ei venia, misit eum in peregrinationem vsque ad archiepiscopum Dolensem in Cornugalliam, propter veterrimam amicitiam & cognitionem quam sancti patres habuerunt antecessores sui inter se, S. Telius, *viz.* & S. Samson archiepiscopus primus Dolensis ciuitatis. Et propter aliam causam, eo quod ipse Guidnerth, & Britones, & archiepiscopus illius terræ, essent vnus linguæ & vnus nationis, quamuis diuiderentur spatio terrarum; & tanto melius poterat renuntiare scelus suum, & indulgentiam requirere, cognito suo sermone.

Post hæc data sibi remissione cum sigillatis literis, redit ante caput anni ad patriam & ad beatum Oudoceum. Et quia nondum fecerat annum quem promiserat in exulatu, neque finierat, noluit illum absolueret, sed potius in eadem fieret excommunicatione, non seruato ab eo primo iugo pœnitentiæ: manente eo in eadem præuaricatione & excommunicatione, ante finem anni S. Oudoceus famosissimæ vitæ episcopus Landauia transiit ad Dominum. Cui successit Berthguinus Landauia, quem Morcant rex simul & Guidnerth requisierunt apud Landauiam cum multis senioribus Morcannuc, vno ore deprecantes episcopum, videntes cruces adhuc depositas ad terram, simul & reliquias cum cymbalis super Guidnerth, vt veniam daret Guidnerth fratricidæ, & vt solueret excommunicationem, eleuando cruces de terra & reliquias sanctorum.

Post hæc Guidnerth promittens emendationem vitæ suæ amplius in ieiunio & oratione & eleemosyna, fufis lacrymis cum magna deuotione, absolutus est de episcopo, & iuncta sibi pœnitentia plenaria ad modum culpæ. Postmodum Guidnerth memor diuini sermonis, sicut aqua extinguit ignem, ita eleemosyna peccatum; donauit Deo & SS. Dubricio, Teliu & Oudoceo, & in manu Berthguini episcopi, & omnibus successoribus suis ecclesiæ Landauia Lann, Catguala, Tye, cum omni sua tellure, cum silua, & cum maritimis, & cum omni sua libertate sine vlllo censu homini terreno, nisi ecclesiæ Landauia & pastoribus eius, & cum refugio suo in perpetuo. De clericis testes sunt, &c.

NICETII